

MLADA NADA Glumac Marko Mirković za „Dnevni avaz“ o mjuziklu „Sarajevo moje drago“

Spoj glume i muzike je moja ljubav

Završio sam Akademiju dramskih umjetnosti, u Tuzli 2018. godine i tada nije bilo mnogo prilika za nas mlade, kaže on • Svaka predstava je posebno iskustvo, svaki reditelj, svaki kolega donosi nešto novo

Mladi glumac Marko Mirković, porijeklom iz Viteza, ali sa sarajevskom adresom, trenutno je dio velikog projekta Narodnog pozorišta, mjuzikla „Sarajevo moje drago“ prema tekstu Zlatana Fazlića Fazle.

U razgovoru za „Dnevni avaz“ Marko otkriva kako je došao do ove prilike, koliko je rad zahtjevan i zašto ovaj projekt smatra jednim od najvažnijih u svojoj dosadašnjoj karijeri.

Novo iskustvo

□ *Kako je došlo do toga da budete dio mjuzikla „Sarajevo moje drago“?*

- Na audiciju za predstavu sam izašao u februaru ove godine. Tada je sve počelo. Planirali smo započeti rad na projektu još u maju, pa u junu, ali konačno smo krenuli sa probama u septembru. Sada je oktobar – premijera je sve bliže. Presretan sam što sam dio ovako velikog projekta. Kao neko ko voli i glumu i muziku, mjuzikl



je za mene savršen spoj tih ljubavi. A stati na scenu rame uz rame s ovako velikim imenima bosanskohercegovačke scene – to je ogromna čast.

□ *Žeste li ranije imali iskustva s Narodnim pozorištem?*

- Da, ovo je moj treći mjuzikl u Narodnom pozorištu. Prva dva su bila u koprodukciji sa Ame-

Budući projekti

□ *Gdje se vidite u narednim godinama na sceni?*

- Vidim se u teatru. Volio bih i dalje raditi na projektima koji spajaju glumu i muziku, to je


ričkom ambasadam u okviru „BH Broadway“ projekta, ali su se također izvodili

moj prostor izražavanja. Nadam se da će se sarađnje poput ove samo nastaviti. Sarajevo mi pruža prilike i zahvalan sam na tome.

u ovom teatru. Ipak, „Sarajevo moje drago“ je novo, važno poglavlje, ovo je projekt koji je isključivo domaće produkcije i potpuno novo iskustvo za mene.

□ *Kako gledate na prilike za mlade glumce u Sarajevu danas?*

- Završio sam Akademiju dramskih umjetnosti, u Tuzli 2018. godine i tada nije bilo mnogo prilika za nas mlade. No, danas je situacija dosta drugačija. Narodno pozorište, ali i Pozorište mladih u Sarajevu, sve više otvaraju vrata mladim glumcima. Ima više audicija, više kastinga i više prostora za angažman – što je ohrabrujuće. Naravno, to sve traži ogromnu posvećenost, rad, odricanje, ali ko to



Mirković: Presretan sam što sam dio ovog projekta

voli i želi, za njega nema prepreka.

Nešto novo

□ *Koji projekt biste izdvojili kao najdraži do sada?*

- Zaista teško pitanje. Svaka predstava je posebno iskustvo, svaki reditelj, svaki kolega donosi nešto novo. Ne mogu izdvojiti samo jedan projekat jer iz svakog sam naučio nešto važno. No, ovaj mjuzikl sigurno će zauzeti posebno mjesto u mom srcu jer je kompleksan, zahtjevan i drugačiji.

□ *Koliko je zapravo teško pripremiti se za mjuzikl, s obzirom na to da uključuje i glumu, i pjevanje, i ples?*

- Zahtjevno je, nema sumnje. Glumačke probe, muzičke, koreografske – sve se to mora spojiti u jednu kompaktnu cjelinu. Ali s puno ponavljanja, discipline i ljubavi prema onome što radimo – uspjeh je neminovan. Potrebno je cijeli dan biti na raspolaganju i posvećen, ali je to čar ovog posla.

E. ABAZ



Bosna i Hercegovina
Federacija Bosne i Hercegovine
Kanton Sarajevo



Bosnia and Herzegovina
Federation of Bosnia and Herzegovina
Canton Sarajevo

Općina Stari Grad Sarajevo

Municipality of Stari Grad Sarajevo

OBAVJEŠTENJE O RASPISIVANJU JAVNOG OGLASA

Općina Stari Grad Sarajevo, putem Stručne službe kabineta Općinskog načelnika, obavještava da je raspisan Javni oglas za prijem namještenika u radni odnos na neodređeno vrijeme. Javni oglas ostaje otvoren 15 (petnaest) dana od dana posljednje objave. Kompletan tekst javnog oglasa sa detaljnim uslovima i načinom prijave dostupan je na zvaničnoj web stranici www.starigrad.ba.

Broj: 01-04-4-2815/25
Sarajevo, 01.10.2025. godine

Stručna služba kabineta Općinskog načelnika

Bosna i Hercegovina
Federacija Bosne i Hercegovine
Zeničko-dobojski kanton
Javna ustanova Centar za djecu i odrasle osobe s posebnim potrebama Zeničko-dobojskog kantona

Broj: 01-34-1-7-1/25
Zenica, 03.10.2025. godine

Na osnovu člana 20. a) Zakona o radu („Službene novine FBiH“ br. 26/2016, 89/2018, 23/2020 – Odluka US, 49/2021 – dr. Zakon, 103/2021 – dr. Zakon, 44/2022 i 39/2024), člana 6. Uredbe o postupku prijema u radni odnos u javnom sektoru u ZDK („Službene novine ZDK“ br 2/24), odredaba Pravilnika o radu Javne ustanove Centar za djecu i odrasle osobe s posebnim potrebama Zeničko-dobojskog kantona br. 05-03-8/21, te Odluke o prijemu u radni odnos br. 01-34-1-7-1/25 od 03.10.2025. godine, direktor objavljuje:

OBAVIJEST

o raspisanom javnom oglasu za prijem u radni odnos na određeno vrijeme za radno mjesto Saradnik za pravne poslove (1 izvršilac)

Cjelokupni tekst javnog oglasa možete preuzeti na službenim web stranicama Ustanove www.jucentarzdk.ba, Službe za zapošljavanje ZDK www.zdk-szz.ba, ili Zeničko-dobojskog kantona www.zdk.ba.

Direktor
Ernad Metaj, s.r.